

SIARAN AKHBAR

Bahagian Hal Ehwal Awam dan
Komunikasi Korporat Kumpulan
Lembaga Tabung Haji
Lantai 16, Bangunan Tabung Haji,
201, Jalan Tun Razak, 50732 Kuala Lumpur
Tel : 03 2054 2132
Faks : 03 2164 0436

Tabung Haji Contact Centre
Tel : 03 6207 1919
Faks : 03 7728 4959

www.tabunghaji.gov.my

TH LANCAR APLIKASI THiJARI

KUALA LUMPUR, 5 Oktober 2020 - Lembaga Tabung Haji (**TH**) hari ini melancarkan aplikasi telefon pintar THiJARI dalam usaha memudahkan capaian para pendeposit **TH** kepada sistem perkhidmatan dalam talian THiJARI, selari dengan kehendak dan kepesatan teknologi semasa.

Aplikasi THiJARI ini boleh dimuat turun terus daripada Google Play atau App Store dengan percuma ke telefon bimbit atau tablet. Melalui aplikasi THiJARI, para pendeposit **TH** boleh melakukan transaksi dalam talian seperti urusan pertanyaan baki, cetak penyata, pemindahan wang, semak status haji dan pendaftaran haji.

“Pelancaran aplikasi THiJARI ini adalah seiring dengan kecenderungan penggunaan teknologi pada era moden hari ini. Sejak pelancaran portal THiJARI pada 5 Februari 2020 yang lalu, jumlah penggunanya terus meningkat di mana sehingga akhir Ogos 2020, lebih 260 ribu pendeposit **TH** telah pun menjadi pengguna THiJARI,” kata Pengarah Urusan Kumpulan dan Ketua Pegawai Eksekutif **TH**, YBhg. Datuk Nik Mohd Hasyudeen Yusoff, pada majlis pelancaran aplikasi tersebut.

Tambah beliau, transaksi **TH** akan dapat dilakukan dengan lebih mudah dan cepat melalui aplikasi THiJARI kerana ia kini sudah berada di hujung jari. Capaiannya juga lebih selamat dan ringkas dengan hanya menggunakan cap jari (thumb print) atau imbasan wajah (Face ID).

Penggunaan saluran dalam talian terbukti mendapat sambutan baik oleh para pendeposit **TH** apabila rekod menunjukkan 78 peratus transaksi **TH** telah dilakukan dalam talian meliputi portal THiJARI, ATM dan CDM serta perbankan intenet bank-bank rakan strategik **TH** seperti Bank Islam, Bank Rakyat, Maybank dan CIMB Islamik di mana hanya 22 peratus transaksi di lakukan di kaunter.

Dengan pelancaran aplikasi THiJARI ini, **TH** berharap pendeposit akan dapat melaksanakan transaksi **TH** dengan lebih mudah di mana-mana sahaja seperti di rumah, pejabat sama ada di dalam atau di luar negara.

THiJARI di jari anda adalah mudah, bila-bila masa dan di mana-mana sahaja.

-Tamat-

LEMBAGA TABUNG HAJI

Lembaga Tabung Haji (**TH**) merupakan sebuah badan berkanun yang ditubuhkan oleh Kerajaan Malaysia pada tahun 1963 dan ditadbir berdasarkan Akta Tabung Haji 1995 (Akta 535). **TH** menyediakan kemudahan bagi umat Islam di negara ini menyimpan wang untuk mengerjakan haji. **TH** mempunyai lebih 50 tahun pengalaman dalam perkhidmatan simpanan, haji dan pelaburan. Sebagai sebuah institusi haji terunggul negara, **TH** berusaha untuk mengukuhkan ekonomi umat Islam Malaysia dengan memanfaatkan dana dan sumber sedia ada. **TH** komited memberi perkhidmatan cemerlang dan memuaskan kepada semua Jemaah Haji Malaysia. Pencapaian **TH** yang konsisten telah mendapat pengiktirafan dunia sebagai model pengurusan haji inovatif. **TH** mempunyai lebih 9 juta pendeposit dan 125 cawangan dengan lebih 10,000 'touch-points' di seluruh negara. **TH** juga mempunyai sebuah pejabat yang beroperasi di Jeddah, Arab Saudi di bawah Konsulat Malaysia.

Untuk maklumat lebih lanjut mengenai perkhidmatan Tabung Haji, sila lawati www.tabunghaji.gov.my atau hubungi Tabung Haji Contact Centre di talian 03-6207 1919. Keterangan lanjut mengenai siaran akhbar ini, sila hubungi:

Affan Aimaduddin Azami Eksekutif Bahagian Komunikasi Korporat Lantai 16, Menara TH Tun Razak 201 Jalan Tun Razak Kuala Lumpur Tel: 03 2054 2238 Tel. Bimbit: 019 984 7138 Faks: 03 2164 0436 Emel: affan.aimaduddin@lth.gov.my	Mohamad Naser Jaffar Pengurus Kanan Bahagian Komunikasi Korporat Lantai 16, Menara TH Tun Razak 201 Jalan Tun Razak Kuala Lumpur Tel: 03 2054 2451 Tel. Bimbit: 019 200 8438 Faks: 03 2164 0436 Emel: naser@lth.gov.my
---	---